

補增

古方藥品考

內務省圖書

第五百七十七番

號.....

冊.....

	二九	和
	一五	書
	一七	門
五	三〇	類
六	〇	
架	〇	
冊	〇	

衛生局 第六

邊

筐

251

庫	文	閣	內
九	九	和	
五	五		
二	五		
架	冊		

內閣文庫	
番號	和 29530
冊數	5 (1)
函號	195 251

195-251



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM Kodak



天保辛丑鑄行

蕉園內藤先生著

古方藥品考

皇都

文泉堂發行

自序

上古神聖。嘗百草。而有本草經。黃帝論治術。而有素靈經。至漢仲景氏。創合聖哲之力。而著傷寒金匱。立其神方。撰其良藥之旨。粲然而備矣。故欲知方法之規範。藥品之功用者。不入長沙氏之門。則不可也。蓋如夫採桂之枝皮。以玉發表。採枳之緊實。以破結痞。地黃分鮮。與乾烏附。別體暨煉之意。誠可謂窮理。

藥品考卷之一 序



盡性矣。神農本經古藥三百六十五種，以別三等。仲景氏取用二百二十餘種，以爲足矣。唐宋以來，增至一千五百餘種，種類多端，而自有優劣，有真贋。所謂杜衡亂細辛，防葵混防風之繆，良不少矣。又從前閱舶來藥品，漸次多轉下品，至其甚，以贋物欺我，亦不一也。商人恬然販之，世醫委然用之，其罪莫大焉。近世古醫道之學，愈開愈彰，其術莫不精究。

焉。然而至其藥品，則未有辨能毒審真贋者。藥舖所鬻，亦有優劣真僞，而並行焉。今雖處的方，若藥非真，則豈得其効驗乎？余常憂藥能之有，不任其方劑。於是每藥之下，宗本經別錄之古訓，考名師哲匠之論說，以發明其功用。次較其優劣，辨其真贋，以要無差失也。然猶未能無誤，庶幾同志君子，賜是正，則非獨余之幸耳。使後進之士，識藥性，撰良品，以

取俊功。則余之素願也云。

天保庚子歲冬十一月。平安內藤尚賢剛甫。

書于朱蕉園中。



古方藥品考凡例

○夫濟世之道。莫先於醫療病之功。莫先於藥。故此書

專以辨藥性。明功用。為第一義。每藥之下。所舉功能。

輒祖述乎古方書之旨。範圍乎本經別錄之意。且折

衷先哲之論說。以發明其主用。不敢加私意也。

○傷寒論。金匱要略。所出之藥。凡二百二十餘種。先舉

其專用者。次列其遠用者。藥品次第。畧從草木穀漿。

水金石血氣之類。以復展閱。其他如非藥用品物。及

禁忌中雜種。略附邦言。以備卷末耳。

○各藥之性。必有宜煉製者。或有宜新鮮者。或有宜陳久者。有忌水者。有忌火者。不可不識也。故當然者。取附于各藥之下。讀者無忽視。

○凡撰品中。不拘邦產舶來。先舉其上品者。次列其中品下品。偽似之品。後辨之。每品以又字別之。藥舖有種種稱呼。今舉京舖所通呼者。以辨其甲乙也。又每藥多異名及邦言。但舉所通呼者一二。其他略之。

○夫書不盡言。言不盡意。故假圖畫以畧出本藥之形狀。及所難以言辨者。至其種類則甚冗雜。故不圖。

○凡諸藥之主治。功用甚多。而難能諳記矣。故取其要。刪其繁。設句韻。以使易誦讀爾。

○藥性標目歌

桂枝前鋒發表宰宗

肉桂溫中宣導百功

麻黃解壅逐溼除疼

葛根潤通清熱調中

生薑利胸善奏藥功

生薑汁用宜取即功

薑葉芳通消毒開胸

乾薑宣通逐寒溫中

升麻功用胃熱喉腫

防風逐風散骨節疼

甘草緩中協和百功

麥冬補中降瀉上衝

人蔘生滋溫補虛羸

土參降推除煩排痞

芫胡利氣禦表和裏

芍藥開否順血固肌

朮除溼水尿道調利

細辛溫裏除痰利水

烏頭走裏溫導疝氣

附子達肢溫經療痿

天雄主治畧同附子

巴豆破痞蕩滌腸胃

枳實開否以破結氣

橘皮健脾靖降逆氣

厚朴下氣疏瀉腸胃

芫花泄利痰飲畜水

葶花利水芫花不異

藜蘆療肌服吐痰水

葶藶主治喘滿短氣

麻子益脾潤通便秘

薏苡扶脾除祛溼痺

酸棗補疲能療不寐

大棗保胃溫和駿劑

烏梅順降止嘔却虻

蜀椒溫中克征蛇蟲

椒目下降利水腸中

茯苓生津又瀉逆滿

黃耆益元固實衛分

桃仁血分潤通大便

杏仁氣分降逆止喘

吳茱良溫除溼散寒

山茱溫肝固有牧官

薯蕷調源補復虛損

甘遂逐飲滌瀉溼滿

大戟破關克泄二便

茵陳瀉滿專療黃疸

葦莖降順清肺瀉滿

蘆根性寒解毒止煩

貝母除煩結實換散 芎藭上達破瘀順血

當歸溫達調和氣血 牡丹活血清涼煩熱

苦參清熱除煩開室 獨活利節療諸風疾

知母潤渴清瀉熱結 生苜滋補解熱消瘀

生地黄汁清涼血腑 乾地黄主滋血補虛

熟苜潤膚補腎氣虛 瓜蒂涌吐膈間毒聚

梔子兼吐煩熱當除 紫葳破瘀補氣血虛

澤瀉如禹宣通水路 猪苓善燥泄利尿道

通草開竅通利水道 防已瀉尿水腫當消

萋根涼好生津潤燥 花粉潤燥同萋根効

萋實專療結胸氣勞 菖蒲氣導開心利竅

紫參通竅降氣利尿 石葦熱消通利尿道

黃連寒長解熱心臟 黃芩清涼宜利膀胱

大黃良將蕩滌二腸 竹茹靖涼痰火逆上

竹葉降涼虛火上行 黃蘗專掌肌熱身黃

乾漆益陽療諸內傷 葱白通暢滋補五臟

薤白溫腸善散結妨 大蒜溫陽殺毒療瘡

白頭翁攻腸癖毒痛 百合主用百脈一宗

敗醬消腫能治腸癰

商陸降攻專瀉毒腫

半夏利喉除欬逆嘔

白前順收下氣止嗽

紅藍除渴止痛行血

艾葉療瘕也止妄血

蘇葉芳發下氣開鬱

蘇子氣達專散鬱結

澤漆退熱解諸瘡疾

菊花涼質能除風熱

土瓜散結逐瘀和血

蒲灰尿泄且逐瘀血

敗蒲席質同蒲灰說

白微降泄清涼鬱熱

秦皮固滑瀉腸除熱

柏葉固脫止衄吐血

柏實降泄喘氣煩熱

蜀漆敗結療瘡寒熱

李根止渴除逆煩熱

紫苑降氣結邪散之

旋覆排否降瀉噫氣

款冬善治喘欬逆氣

天門益肌補脾肺氣

海藻下氣能泄畜水

萎蕤善滋益氣補衰

皂莢主治欬逆肺痿

檳榔健脾破滯開氣

訶子洩氣而止下利

桑根瀉肺利水除欬

桔梗除滯利喉清肺

射干能解欬逆喉痺

葵子除水利小便閉

蒴藿和肉專療打撲

狼牙逐毒平治胸腹

白斂能逐百疾結畜

薺芫明目解百藥毒

瞿麥尿瀉逐膀胱邪

梓皮黃家除痰熱邪

蛇牀除瘡也祛溼痒

五味潤暢鎮瀉肺臟

王不留行專療金瘡

冬瓜性涼解毒除脹

瓜子潤行利大小腸

瓜瓣同上唯異名狀

粳米專養保胃之長

赤豆逆行者煮利腫脹

小麥止乾又利小便

大麥寒潤止燥渴焉

大豆瀉滿解毒補腎

大豆黃卷補虛益元

香豉升散虛煩滿悶

麩消穀漿開胃快腸

膠飴溫良調和五臟

清酒助陽行百藥方

白酒溫養脾胃通暢

苦酒下行殺毒消瘡

醋漿降涼止嘔逆上

井花水涼煮諸藥良

泉水輕涼應百合湯

甘爛水將煮補脾方

東流水行速通膀胱

漿水熟湯最宜補養

朴消降泄消化胃實

赤消此必朴消同物

芒消潤質專消熱結

消石勝熱降瀉結實

礬石固洩燥溼解熱

滑石滑達能通留結

石膏逐熱清胃止渴

龍骨理血鎮神虛脫

黃土專治妄血逆氣

雲母固肌善療瘡痢

代赭體重鎮墜驚動

雄黃殺蟲解瘡毒痛

赤石脂涼止血厚腸

白石脂方功用同上

禹餘糧將利尿固腸

太乙餘糧清利膀胱

鐘乳性順利竅通筋

金安心肝除水銀煩

銀亦鎮神與金不遠

鉛丹鎮神定驚止煩

真朱靖肝以養精神

食鹽善潤殺毒吐滿

寒水石寒除熱腸間

戎鹽補腎通利小便

蜜補虛弱調和百藥

水蛭逐決經閉瘀血

蝨蟲散血通經水閉

麝蟲專泄畜血癥結

牡蠣除溢且澀滑洩

文蛤清熱開胃止渴

鼈甲散結專除勞熱

雞子補虛白療肌膚

雞冠有譽救絕死苦

雞肝善蕪眼疾當除

雞屎白主達轉筋處

阿膠補益固衛血液

豬膚肥澤補生精液

豬膽通脈清瀉胸膈

豬膏生液令人肥澤

豬脂純白臘月多益

犀角壯心排毒止煩

獺肝補肝專主勞損

羊肉甘溫主治寒疝

羊膽苦寒潤燥明眼

白魚性滑利尿通室

蜂巢開鬱專療癩疾

鼠婦破結廩蟲髣髴

蟻螞排達除滿行血

蠅娘寒質能散毒結

人乳汁育補中消毒

亂髮止衄利尿淋濁

左角髮擢于其日角

人垢亦復亂髮之屬

人糞汁逐瘀熱百毒

人尿和肉能療打撲

童便明目降火逆速

百藥能毒聖說為宗

發揮要領爰舉厥功

蕉園內藤尚賢識

藥品考卷之一目次

桂枝 一

肉桂 二

麻黃 四

葛根 六

生薑 八

薑汁 同

薑葉 同

乾薑 同

升麻 十

防風 十二

甘草 十三

麥門冬 十五

人蔘 十六

廣東三七

直根人蔘 十九

芫胡 二十二

芍藥 二十四

朮 二十六

細辛 二十八

烏頭 二十九

附子 三十一

天雄 同

巴豆 三十三

枳實 三十四

橘皮 三十六

厚朴 三十七

芫花 四十

萹花 四十一

藜蘆 同

古方藥品考卷之一

平安

內藤尚賢剛甫 著

薩州

篠原篤慶士光 校

桂枝前鋒發表宰宗。和漢通名。

名醫別錄曰桂味甘辛大熱主利肝肺氣心腹寒熱冷痰霍亂轉筋頭痛腰痛出汗止煩止唾欬嗽堅筋骨通血脈理疏不足宣導百藥無所畏愚案桂之爲物純陽發散其枝之性自達乎表部皮之性自走乎肌膚味辛熱甘和而有芳發之氣以善致發表前鋒

明治二十三年月示

也故仲景氏不用肉桂而專用桂枝者取其枝皮以
利發表之義矣其麻黃湯大小青龍葛根湯等有發
表之功者皆因桂枝之力而所致也故以此為發表
之宰宗也

桂枝湯太陽病頭痛發熱汗出惡風○太陽病外證

未解脈浮弱者當以汗解案風邪受於表必先發表為順故用桂枝以發散表

邪芍藥以順血固肌生薑以開發達藥力大棗以溫保胃氣甘草以協和諸藥也

撰品桂枝舶來者佳藥舖分其皮薄廣三四分者呼

比良樣其嫩皮呼和良樣時珍所謂柳桂是也大抵

色紫黑味辛甘氣芳發者為良品氣味薄者不堪用
肉桂溫中宣導百功

案肉桂即桂幹皮氣味辛甘大溫故能溫中州宣導

諸藥之能功也

蜀椒閉口者有毒誤食之戟人咽喉氣閉欲絕云

肉桂煎汁飲之


撰品肉桂舶來有數品其稱東京桂者厚一分許色

紫赤味辛甘者為上品或呼是而優劣相混其裏面

帶黑色辛味薄者下品今稱廣南桂者皮薄辛味不

厚。又舊舶稱廣南者皮厚一二重卷。色紫黑。味極辛。
 甘。呼ハク肉桂。又稱交趾桂者。形如東京桂。而深紫色。味
 亦厚。此二品。今與載來者不同。又有紅夷桂。皮卷薄。
 外面赤色。味辛美者。可用。陶弘景所謂丹桂是也。
 ○漢土者。辛味有于枝上。本經所謂牡桂是也。邦產
 者。辛味唯在于根。故稱根皮桂。今出土州薩州者。色
 紫赤。紀州產赤色。凡味辛甘而不澀者。俱可用。和州
 城州諸州產下品。又邦桂枝皮。味淡薄。不任用。而商
 人私取之。為偽雜者。間有之。又取其幹皮。呼桂心。辛

味薄。而香氣厚。以為香具。用耳。方書所言桂心。與此
 不同。又花戶有交趾肉桂。又有天竺桂。皆不入藥。
 ○方書中所出桂之品。目亦不少。仲景氏曰桂枝。孫
 思邈曰桂心。至唐宋曰肉桂。曰辣桂。曰官桂。曰薄桂。
 總是同物。而異品而已。藥性賦曰。其在下最厚者曰
 肉桂。去其粗皮。為桂心。其中次厚者曰官桂。其在
 上薄者曰薄桂。其在嫩枝。曰發者曰桂枝。
 ○桂樹高三四丈。其幹直如梧桐。葉似烏藥。而厚光
 澤。葉中有縱文三道。能凌冬。



比良樣

和良樣

左明寫

麻黃解壅逐溼除疼。經一名龍沙。和漢通名本。

神農本經曰麻黃味苦溫主中風傷寒頭痛溫瘡發

表出汗去邪熱氣止欬逆上氣除寒熱日華子曰通

九竅調血脈開毛孔皮膚逐五臟邪氣案其莖叢生

直立氣味收斂而有逐達之力故解邪氣壅塞以通

腠理專逐水溼以除骨節疼痛乃與桂枝之發表併

用則能致駿發麻黃湯大青龍之類是也又與石膏

之清降併用則能利水溼越脾湯麻杏甘石之類是

也其麻黃氣藥之駿達者也然前人單為發汗之藥

余謹考之。非有發汗之能矣。其仲景氏曰。發汗後。不可更行桂枝湯。汗出而喘。無大熱者。麻杏甘石湯主之。可以徵也。

麻黃湯太陽病。頭痛發熱。身疼腰痛。骨節疼痛。惡風

無汗而喘者。案寒邪壅于肌表。必營血不暢。營血不暢。則致身疼腰痛。骨節疼痛。惡風無汗。

所以用麻黃以解壅。乃營衛和諧。桂枝以發散。表邪甘艸以和中。杏仁以順利喘氣。

越婢湯風水惡風。一身悉腫。脈浮不渴。續自汗出。無

大熱。案風音放。義同。謂放沉水氣于周身。以致一身悉腫。又以惡風及自汗出。乃知鬱熱在于裏。故

用麻黃以解壅。塞利水氣。石膏以降瀉。痰熱生。姜以利胸。輔藥力。棗甘以保胃氣。而和石膏。

○方後曰。先煮麻黃。去上沫。是漢土新採者。氣味猛烈。故也。本邦所用者。皆舶來經年。故不去上沫。而可

撰品麻黃。舶來者唯一種。其莖堅淡綠色。氣味瀟蒼

咀之。舌上覺麻痺者。為上品。又稱和麻黃者。即美豆

止。久左形狀似麻黃。而輕虛味淡薄。非真。而松玄達

云。麻黃和漢偕有之。功能同者非也。或價貴時。商人

劉和麻黃及燈心草。以為偽雜者。間有之。甚難辨。

圖經曰。麻黃苗春生。至夏則長。及一尺已來。稍上有

黃花。結實如百合瓣而小。又似皂莢子。味甜微。有麻

黃氣外紅皮裏仁子黑根紫赤色至立秋後採其莖
陰乾令青



在親寫區圖

葛根潤通清熱調中。クズノ根

本經曰葛根味甘平主消渴身大熱嘔吐諸瘰起陰

氣解諸毒案其根累年長生而至肥大氣味苦甘微

收其質潤通涼降故能清瀉鬱熱調和胃中乃合之

以桂枝之發表則療項背強急之陽分葛根湯桂枝

加葛根湯類是也或合之以芩連之涼降則治下利

喘逆等之裏分所以葛根芩連湯不言項背強急也

葛根湯太陽病項背強几几無汗惡風案太陽病即桂枝湯之所

至今加葛根以治項背強太陽與陽明合病者必自

藥品考卷之一 葛根

藥考卷之二

下利案太陽之邪將隨陽明故用葛根以清熱調胃
避實而伐氣桂麻以發越陽明之邪乃下利自愈是所謂
虛者歟葛根黃連黃芩湯太陽病桂枝之症醫反

下之利遂不止脈促者表未解也喘而汗出者案醫

下是以表邪陷裏以致喘逆而汗出故用葛根以清和胃氣芩連以清涼痰熱下皆可推知

撰品葛根邦產唯一種其片割曝乾者藥舖呼世字

保志或多葛根伊又有方劉大小凡新色白精密者俱可

用○方書中有生葛生葛汁乾葛葛粉等之目其生

葛及汁味苦澀涼降故能解鬱熱止煩渴時珍曰有

家葛野葛二種是哉園圃者為家葛生山野者為野

葛與蔓生鈎吻同名異物本邦採自生者為藥用然因產地之

肥磽粉有多少生河州葛城金剛山等者粉不多故

土人採為藥用又生和州芳野宇陀若州熊川等者

粉多故唯製葛粉若以此為藥用則其能最優矣

○葛粉製法冬月擇採其根粉多者搗爛以布囊盛

之揉出于水盆內待粉澄傾去濁水復加清水如此

凡十餘日除其上脚取中脚為上品白如雪其次為

中品色如麪其最下者及上脚者為下品俱曝乾成

○葛春生苗引蔓二三丈葉似大豆葉大秋開紫花

藥考卷之二 葛根



狩野純政助永虫

似豌豆花而為穗。花後結莢如大豆莢。瘠小。其根長
大如肱臂。冬月採根。剉水浸去濁。曝乾。

生薑利胸。且奏藥功。ハジカミ。シヤウガ

別錄曰生薑味辛微溫。主傷寒頭痛。鼻塞欬逆。上氣
止嘔吐。案其性好陽而惡寒。上不生花實。而精力鐘
在乎根。氣味辛溫。質能推排。故取開痰利胸。以止嘔
吐。入橘皮半夏及理氣之方中。以佐各藥之功。
小半夏湯諸嘔吐。穀不得下者。
橘皮湯乾嘔噦。若手足厥者。

藥部考卷之一 生姜 姜汁 姜葉

生薑汁用宜取即功。如字。

生薑半夏湯病人胸中似喘不喘似嘔不嘔似噦不噦徹心下憤憤然無奈案開痰泄逆氣之功最速。

薑葉芳通消毒開胸。如字。

食鱸多不消結為癥病治之方。

撰品母薑肥大味極辛氣芳者良出豐後遠江者為勝其他南方州郡皆培養之又莖薑莖音紫不任藥用。

乾薑宜通逐寒溫中。通名。本經曰乾薑味辛溫主胸滿欬逆上氣溫中止血出。

汗逐風溼痺腸癖下利案其味辛溫以能宣通經脈逐寒邪溫胃中內經曰寒淫所勝平以辛熱者是也乃與附子人蔘戮力則治胸腹寒痛腰下冷痛手足厥冷下利清穀等之功最速。

大建中湯心胸中大寒痛嘔不能飲食腹中寒上衝苓薑朮甘湯身體重腰中冷如坐水中。○腰下冷痛通脈四逆湯少陰病下利清穀裏寒外熱手足厥冷脈微欲絕。云。

撰品完曝乾者藥舖呼麻留乾薑又片之乾者呼乾。

生薑俱佳。凡色白味極辛美者為良品。又三河乾薑。形瘠小。外白肉赤。如錫堅。辛味不厚者為次。三州遠州及東南州郡出之。

○造法。秋冬交。取老薑肥者。水淹洗過。待晴刮皮。或片之日曬。若難乾。則燻于甕器內。亦可。或云寒中製之者不可。此物甚難乾。而易凍。亦損氣味。故也。

○薑。晚春栽根。苗長二尺許。葉似蘘荷而狹。香氣厚。夏生新根。淡黃色。蘆頭帶紫紅。無花實。晚秋採老根。而貯暖地。



多良 薑

升麻功用。胃熱喉腫。アハボ。

別錄曰。升麻味甘苦平微寒。主解百毒。辟瘟疫瘴氣。

邪氣。中惡腹痛。時氣毒癘。頭痛寒熱。風腫諸毒。喉痛。

口瘡。案此物生深山寒陰之地。其根作塊。色紫黑。氣

味苦收涼降。故其功用清胃中鬱熱。解咽喉腫痛等。

升麻鼈甲湯。陽毒之為病。面赤斑斑如錦文。咽喉痛。

唾膿血。麻黃升麻湯。傷寒六七日。大下後。寸脈沈而

遲。手足厥逆。下部脈不至。咽喉不利。唾膿血。云云。

撰品升麻。有數品。其舶來者形似老薑而肥大。皮紫

黑。肉帶褐色。有羅文者為上品。所謂鬼臉升麻是也。

又朝鮮產。形似漢產。而黑色亦可用。邦產總稱真升

麻。凡根肥大。色黑。味苦者。可最用。出日州野州羽州

等。藥舖擇其好品。偽呼朝鮮產。或為唐樣。又形瘠小。

皮黑。肉白。帶青色者。呼阿遠樣。下品。所謂雞骨升麻

是也。出江州伊吹。又有三葉者。有落新婦。此二種不

堪藥用。古說以也。加良末都根。質之。今不然。

○升麻。春生。苗葉似當歸。而不滑澤。秋抽一莖。高二

三尺。梢頭發白花。似粟穗狀。根似朮。而黑色多鬚。

本草綱目卷之十一

光景



防風逐風散骨節疼。今通名。

本經曰防風味甘溫主大風。猶曰中風頭眩痛惡風風邪

行周身骨節疼痛案其性能耐於暑熱而惡寒冷其

根直入土甚深味甘溫滋潤故其能逐風溼浮散骨

節間滯氣除疼痛○夏月甚易蛀須曝乾

桂枝芍藥知母湯諸支節疼痛身體尪羸脚腫如脫

頭眩短氣溫溫欲吐

侯氏黑散治大風四肢煩重心中惡寒不足者

撰品防風有數種其稱種防風者或呼藤根形如大

藥品考卷之十一 防風

指而長尺五七寸。留蘆頭，二寸許。味甘，溫滋潤者良。是享保中所始栽。漢種者，今出和州宇陀。又江戸防風，或呼真，其根微屈曲，長五七寸。黃褐色，味淡苦。是石防風也。出佐州羽州。又伊吹防風，形如鼠尾，長五六寸。亦留蘆頭。故或呼筆防風是邪蒿根也。出江州伊吹。又五島防風，形肥大，如獨活，削粗皮。故呼削防風是防葵根也。又瀨戶防風，形似種防風，白褐色，味淡薄。是濱防風根也。並非真。又今稱舶來者，形色與伊吹防風相似。是他藥中混來者，不足信用。



○防風。春生芽於宿根葉似白頭翁而滑澤綠白色。

一根叢生高七八寸其根肥大長者二三尺秋冬採
根經年者夏秋抽長莖開細白花

甘草緩中協和百功延喜式アマキ和名鈔アマクサ別錄一名路草一名國老

本經曰甘草味甘平無毒主五臟六府寒熱邪氣長

肌肉解毒案其根入土甚深縱橫紆長味甘美而涼

降故其能緩中州協和百藥以治拘急卒痛咽痛燥

渴等凡用駿劑必加此以令胃氣不傷○炮炙則溫

甘草粉蜜湯虻蟲之為病令人吐涎心痛發作有時

毒藥不止甘草湯少陰病二三日咽痛者

撰品甘草有數品其稱南京者大如鞭皮薄赤色肉

黃色為最上又稱福州者肥大皮粗肉淡黃其小者

呼二番又大如指截四五寸者呼天无幾利其次呼

幾利古美大抵不拘根太小味甘美而不黑朽者俱

可用又朝鮮產形色如福州瘠小味甜又紅毛產皮

黑灰色肉淡黃並為次又邦產者根小味甜其陳久

青氣失者可用出薩州阿州信州等

○甘草春生苗高一二尺葉如紫藤而小秋開淡紫

花後結小角根長者三四尺粗細不定



賀未睦之 睦

麥冬補中降瀉上衝。小葉ゼウガヒゲ。大葉ヤブ

本經曰麥門冬味甘平主心腹結氣羸瘦短氣別錄

曰心下支滿虛勞客熱口乾燥渴止嘔吐調中定肺

氣案其苗葉青青不畏炎暑不凋酷寒其根結小塊

味淡甘質滋潤涼降故能補胃中降瀉逆氣上衝

麥門冬湯大逆上氣咽喉不利止逆下氣

竹葉石膏湯傷寒解後虛羸少氣氣逆欲吐者

撰品麥門冬邦產有二品其去心而為圓者呼多末

樣又不去心兩頭尖者呼奈雅樣或呼出河州紀州

藝州處在亦有之。凡色白滋潤者俱可用。間有舶來者。與邦產同。但陳久者不堪用。又其苗有小葉。大葉二種。又有大葉漢種者。俱可為藥用。

○麥門冬小葉者。葉似韭而薄。色青綠。秋發小紫花。結圓實。似紫金牛。而熟碧色。其根白。作連珠。



圖

○大葉者。葉似幽蘭而長一尺餘。花實根都如小葉。



石菖圖

人菖生滋溫補虛羸。和名鈔クマノイ。今通名。參古作菖。一名神草。

本經曰人菖味甘微寒。主補五臟。安精神。定魂魄。止驚悸。除邪氣。明目。開心。益智。案其性。生深山陰靜之。

地。其根浸漸長生而不朽。氣味甘微苦。溫潤而有餘味。故有能生津液。潤渴益陽。溫補虛羸之功。

白虎加人蔘湯傷寒病。若吐若下後七八日不解。熱

結在裏。表裏俱熱。時時惡風。大渴。舌上乾燥。○傷寒

無大熱。口燥渴。心煩。背微惡寒者。理中丸。即人大病

差後喜唾。久不了了者。胃上有寒。當以丸藥溫之。

撰品。人蔘有數種。朝鮮產為最上。形色如官蔘。有橫

文。長三四寸。此稱大人蔘。又有字夫人蔘。形瘠小而

橫文少。蔘鬚中所得者又有單蔘。是割開一根。其半面附著

蔘鬚。造蘆頭。以為全蔘之形。或有不插鬚於中心者氣味具者上

品。而今稱單蔘者。甚多偽製。須辨識。又有蔘鬚。呼為

尾人蔘。小大混來。分其中根。呼仁。久遠。其細根。呼

佐幾。遠。其細根。呼仁。久遠。其細根。呼

之。矯之。續短。以為長四寸許者。亦呼佐幾。遠。其細根。呼

狀。以貪利耳。又呼忘无也。末者。形色如官蔘。白。有橫

文。拗其尾。如蝦腰者。為次。又人蔘膏。出對州者。真是

煎煉。人蔘而為膏者。功用與人蔘畧同。膏重凡二分。準人蔘一兩。

又遼蔘。葉束之。如筆管狀。長尺許。味極苦。頗有熊膽

之氣味。故古名久未乃井。對州俗服之。治暑邪及腹痛等云。又廣東人蔓有數品。其稱芍藥樣者。形長重實。此為良稱。亞不利加樣者。次之。稱古呂樣者。形肥而輕。虛下品。先哲以此為廣州三七者是也。案元文中。奸商以廣州三七根之似人蔓。偽為廣東人蔓矣。邦俗從之。而不察。漸狎。目熟耳既久而難遽改焉。本經

○人蔓以生朝鮮者為最上。故享保年間。

大府命朝鮮使貢蔓種。今諸州所出。稱御種人蔓者。

逢原三七條下曰。廣產形如人參者。是有節者。非亦可以徵也。

是也。出野州日光者。形如朝鮮蔓。色黃白。味甘微苦。又出雲州松江者。形如日光產。黃褐色。俱為上品。藥舖此呼保无久知。自有優劣。又出奧州會津者。形同上。色白為次。又皆有蔓鬚。頗似朝鮮蔓鬚。甚易混。○人蔓三月生苗。初生者高三四寸。一莖五葉。似五加葉。而大三四年者。三椹五葉。其根僅四五寸。五六
年者。三四椹五葉。中心抽一莖。高一二尺。三四月開
小白花。結青子。圓而扁。六月子熟。赤至秋。苗葉枯。其
五六年以上者。秋土用掘根收之。



應震

直根降推除煩排痞。カノニゲクサ。

案直根人葠亦生陰僻之地。氣味極苦涼降故能除煩熱推排痞塞。

小茈胡湯傷寒六七日。中風往來寒熱胸脇苦滿。默不欲飲食。心煩喜嘔。或胸中煩而不嘔。或渴云。

半夏瀉心湯但滿而不痛者。此為痞。茈胡不中與之。○嘔而腸鳴。心下痞者。

撰品直根葠有數品。其根頭圓而尾長三四寸。色黃白者為上品。又形圓而尾短者。呼多末樣。或呼加伊留古樣。

直根人葠

俱可用。又竹節蔞。形如菖蒲根。為次。又其鬚根。為芳

野。小人蔞。出和州芳野。又薩摩小人蔞。俱可用。出日

州都城。又呼丹波御種者。或省御字別之形味甚似人蔞。而

非蔞類。其苗類水芹五葉秋抽。葉每枝結子如零餘子。昧哉有用之者矣。其

他形似人蔞。而冒人蔞名者亦不少。沙參。杏葉沙參。

女蕪采。羊乳根。防葵。類甚多。今畧之。

案竹節蔞。此直根之蔞頭。所謂蔞蔞是也。物理小識

曰。市人節參。似小菖蒲。而曲。乃參蔞也。本草蒙全曰。蔞蔞能吐痰涎。認菴集解有蔞蔞散。一味為末虛弱人。涌

吐痰涎壅盛。

○今世所行人蔞有數種。其氣味功用各不同。大凡

當滋補虛弱者。宜朝鮮蔞。單蔞。蔞鬚。及官蔞。當推排

痞閉者。宜直根蔞。玉人蔞。小人蔞。及竹節蔞。當補益

血虛者。宜廣東三七根。

○土蔞。春生苗。亦三極五葉。如官蔞狀。夏結赤實。形

圓。不扁。其根首太。而尾長者。稱直根。又根橫生。如萎

蕤者。為竹節。或根生圓塊。此呼多末。樣。又採鬚根。為


小人蔞。都此一物。而異品耳。




聖玉川




朝鮮人蔘



同孩兒蔘




同白樣



單蔘




新山或稱生蔘




同字夫様




同仁久折




御種人漫




直根人漫



竹節人漫



多末様



廣東芍藥様



同古路様



同亞布利加様



丹波御種



此胡利氣禦表和裏。古名ハミアカナ。今通名此音柴。

本經曰此胡味苦平。主心腹去腸胃中結氣飲食積。

聚寒熱邪氣推陳致新案此草好生陽地其根經年不死氣味苦辛芳散故善泄利結氣防表和裏以治往來寒熱胸脇苦滿微煩瘵熱等

小芫胡湯傷寒五六日中風往來寒熱胸脇苦滿默默不欲飲食心煩喜嘔或胸中煩而不嘔或渴云云

芫胡桂薑湯傷寒五六日已發汗而復下之胸脇滿微結小便利渴而不嘔但頭汗出往來寒熱心煩

撰品芫胡有數品其稱鎌倉樣者形如鼠尾皮赭黑色肉淡褐色出薩州日州肥州等又稱三島樣者形

瘠小皮赭色肉淡褐色生豆州駿州遠州等並為勝其他南方諸州皆有之形色各不同凡不拘根大小

氣味苦芳發而無油臭者可最用或味發辛有油臭者不堪用又間有舶來形味如鎌倉樣而肥大耳又

有銀芫胡根形似沙參色白味淡甘又有加波良芫胡根形似芫胡紫黑是

救荒委陵菜也此二種非真而藥舖販之則有誤用者矣又有南芫胡及雞腿兒等皆根形似芫胡故冒名耳

○芫胡自秋生新苗其葉似瞿麥青紫色至春漸長如竹葉秋岐數枝發小黃花結細子至冬莖葉枯



蒼風

芍藥排否順血固肌

今延喜式エビスグサ
通名。

本經曰芍藥味苦平主邪氣腹痛除血痺破堅積寒

熱疝瘕止痛利小便益氣別錄曰味酸微寒順血脈

緩中散惡血去水氣利膀胱大小腸案其根久在土

中能舒長氣味苦收降故善排痞塞順氣血固收肌

膚及虛脫以治腹痛攣急及失精等

小建中湯傷寒陽脈澀陰脈弦法當腹中急痛者

○虛勞裏急悸衄腹中痛夢失精云

黃芩湯太陽與少陽合病自下利者云

撰品芍藥有數品。其採根曝乾者藥舖稱生乾。所謂赤芍藥是也。今出伊州紀州者為勝。其皮赤肥大。又出城州和州者皮淡赤色。凡不拘根大小其肉白味苦收者俱可用。又採根瀹之去黑汁曝乾者稱真芍藥。所謂白芍藥是也。氣味同上而溫可入補劑。其皮淡赤色。肉白帶水紅極堅頗如舶來。故亦稱唐樣成無己曰赤者瀉白者補白者收赤者散。

正字通曰根曝乾為赤芍。刮去根皮蒸乾為白芍。此說得之。或前人云根赤白者隨花紅白者則非。又間

有舶來者形如真芍藥肥大。今人單貴舶來故商人有取真芍藥之陳久蛀者以偽之者。又有宇陀芍藥或呼伊奈加芍非真其根屈曲皮黑肉白所謂草芍藥是也。或刮去其黑皮而作白者亦呼白芍藥與方中之白芍藥不同。或有誤認為上品者。貝原篤信謂山中自然生單瓣紅白花者可也。是即指草芍藥不可拘泥。

生丹州和州農州諸州山谷。其苗葉如常品花單瓣有紅白二種。

○芍藥春生紅芽作叢莖三枝五葉似牡丹而狹長高一二尺。夏開花似牡丹有紅白濃淡數種。冬採根



華陽

華陽 華陽

赤除溼水。尿道調利。一名山薊。一名赤朮。

別錄曰赤味苦温無毒消痰水逐皮間風水結腫除

心下急滿及霍亂吐下不止逢原曰辛烈性温而燥

能徑入諸經疎泄陽明之溼案其根堅實為塊味微

苦辛温氣芳烈故能開胃氣瀉溼水令尿道調利古

人與茯苓並用以治心下水滿浮腫小便不利等

越婢加朮湯裏水者一身面目黃腫脈沈小便不利

故令病水云桂枝附子去桂加朮湯其人太便鞭

小便自利者云

撰品朮。舶來有蒼白二朮。其蒼朮為勝。形如老薑皮。茶褐色。肉黃赤色。味苦辛芳烈。而多膏。剉貯則生白衣者為上品。或輕虛少膏者下品。又白朮形如蒼朮。而瘠小作極皮褐色。味甘微苦芳香。陳嘉謨所謂雲頭朮是也。邦產亦有數品。稱佐渡蒼朮者。形如舶來。而體重多膏。剉貯則生白衣。氣味苦辛微甘。芳烈為上品。出佐州。又有唐種蒼朮。形似舶來。而氣味不厚。中品。又有和加根白朮。或呼計豆利白朮是採蒼朮嫩根剉去粗皮者。而非白朮。出和州丹州信州奧州。又有唐

種白朮。形味與舶來畧同。是享保中栽漢種者。出和州宇陀。

本經朮一名山薊。山薊即蒼朮。詳于圖經。○今論中朮之上冠白字。故後人或用蒼朮。或用白朮。而不一歸矣。時珍曰。張仲景辟一切惡氣。用赤朮者是也。赤朮即蒼朮也由是觀之。則仲景氏用蒼朮明矣。

○蒼朮春生苗莖多白毛。高二三尺。葉似匕頭而堅。青綠色。邊有細鋸齒。秋莖端開白花。似小薊花。或有紫赤色者。根如老薑。晚秋苗葉枯。冬月採根。



青廣風
[Seal]

細辛溫裏除痰利水。

今通名。輟耕錄。綠鬚姜。

本經曰細辛味辛溫。主欬逆頭痛。百節拘攣。利九竅。

別錄曰溫中下氣。破痰利水道。開胸中滯結。除喉痺。

案細辛生陰溼之地。其根纖細鬚條連綿。不朽氣味

辛溫。芳散而下降。故其能溫裏除痰喘利水氣。

○古人與生薑乾薑併用。奏奇效者多矣。

小青龍湯傷寒表未解。心下有水氣。乾嘔發熱。而欬。

○效。而微喘。


桂苓五味甘草湯去桂。加乾薑細辛。以治其欬滿。

撰品細辛有數種。其根細長四五寸。白褐色。味極辛。有秦椒氣者真。藥舖此稱真細辛。出羽州越州等。又有稱漢種者。根細味厚。未出藥舖。其苗如真細辛。又有舶來者。形味與邦產不異。陳久辛味減者勿用。又唯呼細辛。或呼近江細辛者。根粗味亦相似。而不同。是杜衡而非細辛。今花戶稱細辛者亦杜衡也。綱目引博物志曰。杜衡亂細辛。自古已然矣。又有雙葉細辛。及獐耳細辛等。皆形味相似。冒名耳。

○細辛自冬生。芽紫青色。春出苗。葉似蕺菜。而形狀

如杜衡。葉下開花。紫黑色。皆下垂。至秋苗葉枯。與杜衡之經冬不凋者異。



光亨


細辛
 烏頭

烏頭走裏溫導疝氣。トリカブト

藥性論曰烏頭味苦辛大熱有大毒能治惡風憎寒
溼痺逆氣冷痰包心腸腹痛疝瘕氣塊案其根連
生數子恰如芋奶其中根為烏頭氣味辛辣大熱故
有速走裏中逐寒淫溫導疝痛之能所以治寒疝遠
臍痛腹中絞痛身疼痛等○此藥有大熱大毒故仲
景氏用烏頭必合白蜜以溫和之若無蜜則須加甘
草不然則不耐瞑眩也熬去黑皮最佳
大烏頭煎寒疝遠臍痛若發則自汗出手足厥冷其

脈沈弦者烏頭湯治寒疝腹中絞痛賊風入攻五臟
拘急不得轉側云

撰品烏頭舶來者形如薤白大皮黑肉白者為上品
此生蜀川中者為勝故曰川烏頭又邦產者稱草烏
頭其形如樞實大皮紫色肉白者為次出羽州佐州
諸州山谷亦有之苗呼波奈豆其根瘠小味辛烈秋冬採
根竈灰中煨熟者亦可用

○烏頭春生苗葉似益母草而厚滑澤莖漸長三四
尺仲秋開紫花作穗如伶人冠冬莖葉枯而收根



梅逸寫

附子。達肢。溫經。療痿。○今通名

本經曰附子。味辛。溫。有大毒。主風寒欬逆邪氣。溫中。破癥。堅積。聚血。瘕寒。溼。踠。臂。拘。攣。膝。痛。不。能。行。步。案附子。即烏頭之枝。故宜達四肢。氣味辛。大溫。故能溫經脈。通氣血。以療痿痺。及骨節疼痛。手足厥冷等。四逆湯。大。汗。出。熱。不。去。內。拘。急。四。肢。厥。冷。○下。利。厥。逆。而惡寒者。桂枝加附子湯。太陽病。發汗。遂。漏。不。止。其人惡風。小便難。四肢微急。難以屈伸者。天雄主治。畧同附子。

附子 天雄

天雄散

此證闕案此方列桂枝加龍骨牡蠣湯之後是必與前方而難愈者抵當用此方之義乎

撰品附子舶上者小大混來大者如雞子小者如薤

白其大者以十六七枚或二十三五枚滿一斤者為

最上藥舖此呼本十六又擇形肥豐無角者為天雄

太抵不拘大小充實肉白者俱可用又邦產稱白川

附子或呼真形味與舶來同而駿烈肉白帶黯色與

舶來肉白帶淡赤者少異出粵州羽州信州和州等

○烏頭附子新採者氣味猛烈故以鹽醃之以灰收

之其如舶上者經年自溫良如邦產者或有新而未

成熟者故易眩暈用時須炮製有訣○或有以附子經

煉製言不足用而但用烏頭代此者是不知其功用

之妙者也夫仲景氏建烏頭湯附子湯之二方其治

法各異蓋烏頭者在其中故主腹中絞痛及寒疝

遶臍痛附子者在其枝故主手足逆冷及四肢微急

難以屈伸所以四逆證皆用附子而不用烏頭也可

觀古人用意之精微焉

○此藥自古多品目其母根為烏頭至冬其傍生者

為附子連附子而生小子者為側子其小者為漏籃

子。又獨生大者為天雄。又有兩歧如味形者為烏喙。總是一物而有異同。○方書中有熟附子。黑附子。白

附子。其熟附謂炮製。黑附指皮色。但白附即別種。似


川烏頭。皮灰色。肉白。有香。附子氣。今充。比如字。豆不穩。

川烏頭


附子

側子

烏喙



天雄



巴豆破痞。蕩滌腸胃。

一名單兵。

本經曰。巴豆味辛溫。主傷寒溫瘧寒熱。破癥瘕結聚。

堅積。留飲痰癖。大腹水脹。蕩練五雜俎五臟六腑。開

通閉塞。利水穀道。去惡肉。案巴豆產南方極熱之地。

其子多脂。味辛辣大熱有毒。故其能破痞閉。蕩滌腸

胃中瘴毒。或貼肌膚。則去惡肉瘡毒。其善用者活人。

不善用者害人。不可不詳也。用時去皮。研為泥。服者

須忌冷物。或苦吐利者。飲冷水及冷粥。則立止。

走馬湯治中惡心痛。腹脹大便不通。

備急圓主心腹諸卒暴百病若中惡客忤心腹脹滿

卒痛如錐刺氣急口禁上云

撰品巴豆舶來唯一種其重實多脂者可最用或投

水輕浮者是空殼不可用又邦產今薩州有之與漢

產無別未出藥舖

○巴豆木高丈餘葉似臭梧桐互生無毛茸嫩葉帶

黃赤經冬不凋酷惡霜三月新枝上出穗發小黃花

夏結實作房類蓖麻而無刺每房在三子頗如蓖麻

子而無斑文

伊地知季喬



枳實開否以破結氣枳音岐通名

別錄曰除胸脇痰癖逐停水破結實消脹滿心下急

痞痛逆氣脇風痛安胃氣止澹洩衍義曰枳實枳殼

一物也小則其性酷而速大則其性詳而緩故仲景

氏治傷寒倉卒之病承氣湯中用枳實此其意也皆

取其疏通決泄破結實之義案枳實味極苦辛氣芳

烈故有善降泄膈氣排痞癖破結實之功

枳實薤白桂枝湯胸痺心中痞留氣結在胸胸滿脇

下逆搶心桂薑枳實湯心中痞諸逆心懸痛

撰品枳實舶上小大混來其小者如無患子或如黑

豆藥舖此呼茶實樣其大者剖分肉反張如碁子大

瓢小薰色皮厚青黑色味苦辛者為上品又有朝鮮

產形色如漢產味亦畧同為次又邦產有大小優劣

形味如漢產者有之商人偽呼朝鮮枳實或呼唐種

出薩州日州豐州等凡九州產多臭橙其枝葉花實與枳實相似

又有享保中所傳之漢種土人以甲青橙香橙及柚

未熟者贗枳實者不少如臭橙回青橙者與枳實鬚

鬚香橙及柚者瓢不實苦味薄總稱和枳實不堪入

藥。又俗以臭橘ニカラクナチ呼枳ヲ。魁者訛矣。



Faint background text, likely bleed-through from the reverse side of the page.

圖經曰枳如橘而小高五七尺葉如橙多刺春生白

花至秋成實又曰七八月採者為實九十月採者為

魁至冬黃熟酸苦不可食

橘皮健脾靖降逆氣。シラワカウジ

本經曰橘皮味辛溫主胸中痰熱逆氣利水穀

別錄曰主脾不能消穀氣衝胸中吐逆霍亂案其為

果精氣皆在于皮專主行脾肺之氣氣味苦辛芳發

故其能降泄逆氣仲景氏與生薑併用以治乾嘔吃

逆氣塞等。○脩治須去白膜剉用。

橘皮湯乾嘔噦若手足厥者橘皮竹茹湯噦逆者

橘枳薑湯胸痺胸中氣塞短氣

撰品橘皮有數種其黃橘為佳形如乳橘肌細色黃

味苦辛芳發者真本出遠州白輪今紀州有田和州

間有之藥舖以乳橘及包橘充橘皮又以蜜柑皮通

呼陳皮方書所謂陳皮即陳橘皮而乏則柑皮亦可

用其新色黃赤肌不粗味苦辛芳散者可或泥陳字

偏貴陳久者誤案陳者非舊古之謂當指其熟成者猶陳人與古人之別又舶來

有橘皮有柑皮與邦陳久辛味薄者勿用又舊舶有

橘皮形如香橙皮大為十字切其肌細美色黃氣味

具者可用○論中止曰橘皮後世方中有陳皮橘紅

紅皮青皮等藥目都是一物異名狀耳槩用成熟者

唯青皮取其未熟者今所出青皮即皆柑皮是柑樹

結實甚多土人及其未熟之時採之以為青皮十字切曰

青皮四花又有朱橘綠橘沙橘山橘枸橘等其他橘抽之

種類甚多皆不入藥用

圖經曰橘高一二丈葉與枳無辨刺出於莖間夏初

生白花六七月而成實至冬而黃熟乃可噉



厚朴

厚朴下氣溫導腸胃。別錄一名赤朴其樹名榛。

別錄曰厚朴大溫無毒溫中益氣消痰下氣療霍亂

及腹痛脹滿胃中冷逆胸中嘔不止去留熱心煩滿

厚腸胃藥性論曰味苦辛大熱能主療積年冷氣腹

內雷鳴虛吼宿食不消除痰飲去結水破宿血消化

水穀止痛大溫胃氣案其為物積年其精力尚厚氣

味苦辛溫而下降故有下逆氣疏瀉腸胃間宿溼之

能大明曰去粗皮用薑汁炙或浸炒過用

桂枝加厚朴杏子湯喘家作桂枝湯加厚朴杏子佳

大承氣湯其身必重短氣腹滿而喘有潮熱者云

撰品厚朴有數種今稱甌島者佳而品有甲乙大抵

粗皮厚，糲如鱗，裏面有縱皺。紫黑色，膩潤。爪之易缺。味微苦辛烈者為良品。原始所謂紫油厚朴是也。又裏面紫赤色，滋味不厚者次之。出薩州川邊及也久島。又有稱古渡者，藥舖呼是寬政年間所來，舶雖真物而氣味既脫失，不堪用。又近載來者，有厚樣薄樣二種。其厚樣粗皮白，裏面黑，味淡薄。爪之如芎，其薄樣如楊梅皮，味輕薄，俱無辛味，皆贗物也。今人妄貴舶來而不知其贗物者，有之。悲夫。又今俗以浮爛羅勒皮通為和厚朴。丹州若州紀州及諸州出之。商人

有以其皮厚相似者，偽呼薩摩厚朴。或呼唐樣者，不可不辨。蓋絕舶來已五十餘年，代用之以浮爛羅勒亦久矣。故今人誤認而不知其真物者，多有之。

○薩州厚朴，高數丈，徑一二尺。春生葉如浮爛羅勒而莖紫色。立夏開花，似辛夷而帶水紅。謝後結青實。皮外白，極鱗皺而厚，裏紫黑色。味苦辛烈者是也。





芫花泄利痰飲畜水。テウジサクラノ花。

別錄曰芫花味苦微溫有小毒治胸中痰水喜唾水

腫五水在五臟皮膚及腰痛下寒毒肉毒案其花味

甘辛溫有毒而下降故其能泄利痰飲及畜水

十棗湯太陽中風下利嘔逆表解者乃可攻之其人

熱熱汗出發作有時頭痛心下痞鞭滿引脇下痛乾

嘔短氣云云。夫有支飲家效煩胸中痛者。

撰品芫花邦產唯一種其形細長三分許淡紫色味

苦辛者真古說以鼠麴草花質之云今無之。

○芫花小木高二三尺。仲春開四瓣小紫花。形似丁香。故名。花後漸生葉。似山楊而小。生葉時採花。



芫花利水。芫花不異。一名黃芫花。

本經曰芫花味苦辛寒。主傷寒溫瘧。下十二水。破積聚。蕩滌腸胃中留癖。

案其味甘辛利水之能。與芫花不異。

小青龍湯加減法。若微利者。去麻黃加芫花。

撰品芫花形如芫花而小。色黃者是。又有白花者。生

攝州播州等。未出藥鋪。以芫花代用之。最可。

○芫花小木高二三尺。春生葉。枝葉都似芫花狀。而

六月每枝稍開黃花。亦似芫花而瘠小。



將野山藥

藜蘆療肌服吐痰水一名葱苒

本經曰藜蘆味辛寒有毒主蠱毒欬逆洩痢腸癖頭
瘍疥癢惡瘡殺諸蟲毒去死肌

藜蘆甘草湯病人常以手指臂腫動此人身體關

者此方關近方簡要濟衆治中風不省人事牙關緊


急者藜蘆一兩濃煎防風湯浴過焙乾碎切炒微
褐色搗爲末每服半錢溫
水調下以吐出風涎爲効

撰品藜蘆有二三種其形似青葱莖而有毛紫黑色

者真苗葉似葦釋名所謂葱管藜蘆是也又蒜藜蘆莖而肥大

夏開白
花六瓣不入藥用今藥鋪販者此萬年青根非真

○葱管藜蘆春生芽葉似初生椶櫚而長有縱文莖
本有毛如棕竹裹莖夏中心抽一莖二三尺岐枝開
花六瓣紫黑色花後結實



藥品考卷之一

藥品考卷之一終



持野内記永信
陽

